





Պ Ա Շ Տ Օ Ն Ա Կ Ա Ն Ք



Հ Ա Յ Ր Ա Պ Ե Տ Ա Կ Ա Ն

Կ Ո Ն Դ Ա Կ Ն Ե Ր

ՄԱՏԹԷՈՍ ԾԱՌԱՅ ՅԻՍՈՒՍԻ ՔՐԻՍՏՈՍԻ....

ԳԵՐԱԵՆՈՐԻ Տ. ՅՈՒՍԻԿ ԱՐԲԵՂԻՍԿՈՍՍԻ

Ընկալեալ մեր զհրաժարական Տ. Մատթէոս վարդապետի ի պաշտամանէ խմբագրութեան «Արարատ» պաշտօնական ամսագրի Մայր Աթոռոյս՝ այսու հայրապետական կոնդակաւ մերով հաստատեմք զգերաշնորհութիւն Ձեր խմբագիր նոյն ամսագրի ըստ ընտրութեան միաբանական ժողովոյ:

Լիայոյս եմք, եթէ դուք փորձառութեամբ Ձերով և բազմամեայ դրական հմտութեամբ ունիք սրտեռանդն ոգւով և ընտիր և օգտակար յօդուածովք զարգարել զէջս

պաշտօնական տնտեսական Մայր Աթոռոյս և անխաթար կարգաւ և ուղղութեամբ յառաջ վարել զգրական գործը յօգուտ ազգիս և ի փառս Մայր Աթոռոյս և ի մխիթարութիւն Ձեր և Մեր:

Արդ՝ յայտնելով նախորդի Ձերում Տ. Մատթէոս վարդապետի զգոհանակութիւն Մեր հանդերձ հայրապետական օրհնութեամբ յաղագս անթերի կատարման պարտուցն ի պաշտաման խմբագրի «Արարատ» տնտեսական, մաղթեմք Ձեզ կար, զօրութիւն և կօրով մտաց ի գրական առարկիդ:

Ողջ լերուք, զօրացեալ ի Տէր և օրհնեալ ի Մէնջ: Ամէն:

ՄԱՏԹԻՈՍ Բ. ԿԱԹՈՒՂԻԿՈՍ ԱՄԵՆԱՅՆ ՀԱՅՈՅ

31 Հոկտեմբերի 1909 ամի

և ըստ Տումարին մերում ՌՅԾԹ

յԱրարատեան Մայր Աթոռ Ս. Էջմիածնի

ի Վաղարշապատ

թ. 323.

ՄԱՏԹԻՈՍ ԾԱՌԱՅ ՅԻՍՈՒՍԻ ՔՐԻՍՏՈՍԻ...

Բարձրապատիւ Տ. Իսահակ վարդապետի Տէր-Միքայէլեան հարազատի Մայր-Աթոռոյս նուիրեմք ողջոյն հանդերձ Հայրապետական օրհնութեամբ:

Ընկալեալ Մեր զհրաժարական Տ. Երուանդ վարդապետի ի պաշտամանէ տեսչի տպարանի Մայր Աթոռոյ, այսու Հայրապետական կոնդակաւ մերով հաստատեմք զԲարձրապատուութիւն Ձեր ի պաշտման տեսչի նոյն տպարանի՝ ըստ ընտրութեան միաբանական ժողովոյ:

Լիայոյս եմք, եթէ դուք բազմամեայ փորձառութեամբ Ձերով և հմտութեամբն, զօր ունիք վարմամբ պաշտման անդամութեան վարչութեան տպարանի յաւուրս նախորդին մերոյ, անձնուէր ոգւով և նովին եռանդեամբ գուն գործեսցիք զեկամարել զգործս տպարանին և անսոյթեմք յառաջ մղել զհաստատութիւնդ ի բարգաւաճումն և ի յառաջագիմութիւն:

Արդ՝ պատուիրեմք Ձեզ ըստ պատշաճ ստացողական և յանձնողական ցուցակի ընդունել ի Տ. Երուանդ վարդապետէ պամենայն հաշիւս, զգրեան, զթղթեան և զայլս ամենայն, որ ի տպարանի, և զմի օրինակ ցուցակին մատուցանել Մեզ:

Յայտնելով զլիաշուրթն գահունակութիւն Մեր հանգերձ հայրական օրհնութեամբ նախորդի Ձերում Տ. Երուանդ վարդապետի յաղագս անթերի կատարման պարտուցն, եղելոց ի վերայ նորին, մաղթեմք Ձեզ կար և զօրութիւն յաջողութեամբ վարելոյ զնոր պաշտօնդ յօգուտ Մայր Աթոռոյս:

Ողջ լիւրութք, զօրացեալ ի Տէր և օրհնեալ ի Մէնջ. Ամէն:

ՄԱՏԹԷՈՍ Բ. ԿԱԹՈՒՂԻԿՈՍ ԱՄԵՆԱՅՆ ՀԱՅՈՅ

«31» Հոկտեմբերի 1909 ամի

և ըստ տոմարիս ՌՅԾԹ.

Ի Հայրապետութեան մերում Ա. ամի

յԱրարատեան Մայր-Աթոռ Ա. էջմիածնի

Ի Վաղարշապատ

Թ. 325.

ՄԱՏԹԷՈՍ ԵԱՌԱՅ ՅԻՍՈՒՍԻ ՔՐԻՍՏՈՍԻ.....

Բարձրապատի Տ. Յուսիկ վարդապետի հաւազասորդոյ Մայր Աթոռոյս նուիրեմք ողջոյն հանդերձ Հայրապետական օրհնութեամբ:

Ձկնի համբառնալոյ մերոյ ի գահ Հայրապետական հասու եղաք, եթէ յաւուրս հայրապետութեան նախորդի մերոյ Բաձրապատուութիւն Ձեր ամս բազումս պաշտամամբ Դիւանապետի վարեալ է զգործս Հայրապետական Դիւանի, որով և քաջապէս հմտացեալ եղանակի գործավարութեան և վարման ծանու պաշտամանդ:

Արդ՝ ի նկատ առեալ Մեր զբաղմամեայ փորձառութիւն Ձեր ի պաշտաման Դիւանապետի, կամ եղև Մեզ սովին Հայրապետական կօնդակաւ Մերով կոչել զՁեզ ի

պաշտօն Դիւանապետի Դիւանատան Մերոյ, պատուէր հրամանի տալով Բարձրապատուութեան Չերում աչալուրջ հսկողութեամբ և փութաջան եռանդեամբ յառաջ վարել զպարտիս պաշտամանդ ըստ ժամանակաւոր հրահանգաց Հայրապետական Դիւանին տուելոյ ի Մէնջ, կանխաւ խորհելով համահաճ տեսութեամբ ընդ Դիւանական խորհրդոյ, կարգելոյն ի Մէնջ ի Տ. Տ. Մեսրոպայ վարդապետէ Տ. Մովսէսեան, Գարեգնէ վարդապետէ Յովսէփեան և ի Խորենայ վարդապետէ Մուրադբէկեան:

Լիայոյս եմք, եթէ սրտեռանդն ջանիւք և անդուք վաստակօք ունիք արդարացուցանել զակնկալութիւն Մեր, անսայթաք յառաջ վարելով զպաշտօնդ ընդ պատասխանատուութեամբ Չերով:

Ողջ լերուք, զօրացեալ ի խնամս երկնաւոր Հօր և օրհնեալ ի Մէնջ. Ամէն,

Ի 24 Սեպտ. 1909 ամի

Թ. 2.



ՄԱՏԹԷՈՍ ԾԱՌԱՅ ՅԻՍՈՒՍԻ ՔՐԻՍՏՈՍԻ....

Գերաւնորհ առաջնորդի թեմին Հ. Վրասանի Տ. Գաբեգին Արքեպիսկոպոսի հարազատի Մ. Աթոռոյս ողջոյն եւ օրհնութիւն Հայրապետական:

Յօրէ ամբառնալոյ Մեր ի գահ Հայրապետական նկատեմք, զի մերազգի ժողովրդականք բազմաթիւ խնդրովք դիմեն առ Մեզ և դարման հայցեն այնոցունց, է որ վասն թոյլտուութեան պսակաց, է որ վասն ամուսնալուծութեանց, շնորհման վերստին իրաւանց ամուսնութեան, յորմէ զրկեալ են լուծմամբ պսակացն, ձեռնադրութեան ընծայացուաց ի քահանայ, բողոքօց զհոգևորականաց և այլոց բազմազան առարկայից և խնդրոյ, եւ վասն ստուգութեան հանգամանաց խնդրոյս առ տեղեալն՝ հարկեալ գտանիմք վերադարձուցանել զխնդիրս առ թեմակալ առաջնորդս կա՛մ ի կոնսիստորիայս առ ի վերստին մատուցանել զայնոսիկ

Մեզ հանդերձ քաղեալ տեղեկութեամբ և եզրակացութեամբ իւրեանց: Վասնորոյ ի հանդէս գան վարկապարզի գրադրութիւնք ընդ երկար ի վնաս շուտափոյթ կատարման խնդրոց և ժամավաճառումն պաշտօնէից և հաստատութեանց մերոց:

Արդ՝ առ ի զառաջս առնուլ այսօրինակ անպատեհութեանց և անտեղի գրադրութեանց, այսու կոնդակաւ մերով պատուիրեմք Գերաշնորհութեան Ձերում առնել շրջաբերական կարգադրութիւն և ի ձեռն ստորագրեալ Ձեզ հոգևոր պաշտօնէից, հաստատութեանց և համօրէն քահանայից ծանուցանել համայն մերազնեայ ժողովրդեան թեմիդ, եթէ խնդրատուք պարտին գիմել առ Մեզ ի ձեռն մերձաւոր հոգևոր հաստատութեանց և պաշտօնէից կամ առաջնորդին, զի հնարաւոր լիցի նոցա զխնդիրսն ժողովեալ կարևոր տեղեկութեամբք և եզրակացութեամբ իւրեանց մատուցանել Մեզ ի վախճանական տնօրէնութիւնս:

Ի 5 հոկտ. 1909 ամի

Թ. 105.

Ըստ այսմ


Թ. 106 Առաջնորդին Բեսարաբիոյ.

Թ. 107 » Շամախույ.

Թ. 108 » Ղարաբաղի.

Թ. 109 Ժամ. կառավ. թեմ. Աստրախանի

Թ. 110 Կոնսիստորիային Երևանայ.



ՄԱՏԹԷՈՍ ԾԱՌԱՅ ՅԻՍՈՒՍԻ ԳՐԻՍՏՈՍԻ....

Գերաւնորհ առաջնորդի թեմին Հայոց Վրաստանի Տ. Գաբեգին Արքեպիսկոպոսի հարազատի Մայր Աթոռի նուիրեմք ողջոյն հանդերձ Հայրապետական օրհնութեամբ:

Քաջայայտ է ամենեցուն, ազգի ազգի հնութիւնք և ձեռագիր մատեանք յեկեղեցիս և ի վանօրայս մեր մատնին անուշադրութեան և ընդ երկար մնալով անխնամ ի փոշիս և ի խոնաւ անկիւնս՝ եղծանին և ոչնչանան:

Արդ՝ վասն ազատ պահելոյ ի կորստենէ զհնութիւնս և զձեռագիր մատեանս այսու կոնդակաւ մերով պատուիր-

րեմք Գերաշնորհութեան Չերում տնօրինել ժողովել յամենայն ծխական եկեղեցեաց և ի վանօրէից թեմիդ զհնութիւնս և զձեռնագիր մատեանս, բաց յայնոցունց, որք համարին սրբութիւն, արձանագրել զանուն մէն մի եկեղեցւոյ և վանուց, որոյ սեպհականութիւն համարի իւրաքանչիւր հնութիւն կամ ձեռագիր մատեան, և առաքել զայնս յանուն Մեր ի պահել յապահով վիճակի ի մատենադարանի և ի թանգարանի Մայր Աթոռոյս յանուն վանաց կամ եկեղեցւոյն, որոց սեպհականութիւն են այնորիկ:

Ողջ լերուք, զօրացեալ ի Տէր և օրհնեալ ի Մէնջ: Ամէն:

21 հոկտ. 1909 ամի
Թ. 218.

Ըստ այսմ.

Առաջնորդի թեմին	Բեսսարաբիոյ	Թ. 232,
»	Շամախւոյ	Թ. 234,
»	Ղարաբաղի	Թ. 236,
Ժամ. կառավարչի »	Ատրախանի	Թ. 240,
Նախագահողի կոնիստ.	Երևանայ	Թ. 218,
Առաջնորդի թեմին	Ատրպատականի	Թ. 237,

ՄԱՏԹԷՈՍ ԾԱՌԱՅ ՅԻՍՈՒՍԻ ՔՐԻՍՏՈՍԻ....

Գերաւնորհ առաջնորդի թեմին Հայոց վրասանի Տ. Գարեգին արքեպիսկոպոսի հարազատի Մայր Աթոռոյս նուիրեմք ողջոյն հանդերձ Հայրապետական օրհնութեամբ:

Այսու կոնգակաւ մերով պատուիրեմք Գերաշնորհութեան Չերում քաղել և ընդ փոյթ առաջի առնել Մեզ զհետագայ տեղեկութիւնս՝ ա. զցուցակ ողջոյն կրօնութեան թեմական դպրանոցի, եկեղ. ծխական երկսեռ դպրոցաց Հայոց և Պետական ամենագլխի ուսումնարանաց համայն թեմիդ. Բ. եթէ իւրաքանչիւր կրօնուսոյց ի քանի դպրոցս և զորչափ ժամս աւանդէ զգաստ կրօնի. Գ. մատուցանել զվկայականս (ցենզ), որով արտօնեալ են մէն մի կրօնուսուցչի աւանդել զգաստ կրօնի հայոց, և Դ. կազմել զցանկ գասագրոց, զորս ի կեր արկանեն վասն դա-

սուց կրօնի, և զմի մի օրինակ ի դասագրոցն մատուցանել
Մեզ:

Ողջ լեբուք, զօրացեալ ի Տէր և օրհնեալ ի Մէնջ: Ամէն:
Ի 4 նոյեմբ. 1909 ամի
Թ. 358

Ըստ այսմ.

Առաջնորդին Նոր-Նախիջևանի և Բեսարաբիոյ Թ. 369.

» Շամախույ Թ. 360.

» Ղարաբաղի Թ. 361

Ժամ. կառավ. Թեմին Աստրախանի Թ. 662

Նախ. կանստ. Երևանայ Թ. 363

ՄԱՏԹԷՈՍ ԾԱՌԱՅ ՅԻՍՈՒՍԻ ՔՐԻՍՏՈՍԻ....

Գերաւնորհ առաջնորդի քեմին Հայոց Վրաստանի
Տ. Գարեգին արքեպիսկոպոսի հարազատի Մայր Աթոռոյս
նուիրեմք ողջոյն հանդերձ Հայրապետական օրհնութեամբ:

Ի գործոց Սինօգի Սրբոյ Էջմիածնի և յայլոց աղբերց
հասու լինիմք, եթէ ի տեղիս տեղիս թեմիդ ի մասնաւոր
տունս կամ ի բնակարանս անհատից գտանին սուրբ աւե-
տարանք կամ այլ սրբութիւնք և ի վայրսդ բարեպաշտօն մօ-
ղովրդականք Մեր գնան յուխտ և յերկազգութիւն սրբու-
թեանցն, արդիւնք որոց և մնան յօգուտ տանուտեառն:


Ի նկատ առեալ Մեր, զի ամենայն սրբութիւն պար-
տի լինել ի տաճարի Տեառն և ոչ ի բնակավայրս մարդ-
կան ի նսեմութիւն և յարհամարհանս սրբութեանն, զոր
չէ վայել ունել արտաքոյ և օդտիլ արդեամբն, ուստի և
այսու Կոնդակաւ Մերով պատուիրեմք Գերաշնորհութեան
Ձերում տնօրինել ստուգել, եթէ ուրուրեք ի թեմիդ գոն
սրբութիւնք ի մասնաւոր տունս և անյապաղ դնել զայնս
յեկեղեցւոյ գեղջն և զգոյացեալ արդիւնս ուխտից այնո-
ցունց յատկացուցանել նոյն եկեղեցւոյ, որով և արգելուլ
խապառ զպախարակելի սովորութիւնն ունելոյ ի մասնաւոր
տունս զս և է սրբութիւն:

Ողջ լեւուք, զօրացեալ ի Տէր և օրհնեալ ի մէնջ: Ամէն:
Ի 11 նոյեմբ. 1909 ամի

թ. 406

Ըստ այսմ

Առաջնորդի թեմին	Բեսարաբիոյ	թ. 407.
»	Շամախւոյ	թ. 408.
»	Ղարաբաղի	թ. 409.
Ժամ. կառավ. թեմին	Աստրախանի	թ. 410.
Նախ. կոնսիստ. երեւանայ		թ. 411.



ՄԱՏԹԷՈՍ ԵՍՈՒԱՅ ՅԻՍՈՒՍԻ ՔՐԻՍՏՈՍԻ....

Գերաւնորն առաջնորդի քեմին Հայոց Վրաստանի
Տ. Գարեգին Արքեպիսկոպոսի հարազատի Մ. Աթոռոյս
նուիրեմք ողջոյն հանդերձ Հայրապետական օրհնութեամբ:

Ի լրումն ժամանակաւոր հրահանգաց, տուելոյ ըստ
պատուէրի մերում առաջագրութեամբ և ընդ ստորա-
գրութեամբ Տ. Տեղակալի Հայրապետութեան ամենայն
Հայոց ի 26 օգոստ. տարւոյս թ. 325, վասն ծխական
դպրոցաց թեմիդ, ընդ կոնգակիս ընդ այսմիկ առաքեմք
ի կիրառութիւն զվաւերացուցեալ պատճէն ժամանակաւոր
կանոնաց վասն կառավարութեան վանական կալուածոց,
որ կազմեալ է յեթմնից յօդուածոց:

Ողջ լեւուք, զօրացեալ ի Տէր և և օրհնեալ ի Մէնջ:
Ամէն:

Ի 21 հոկտ. 1909 ամի

թ. 225.

Ըստ այսմ

Առաջնորդի թեմին	Բեսարաբիոյ	թ. 231.
»	Շամախւոյ	թ. 233.
»	Ղարաբաղի	թ. 235.
Ժաման. կառ. թեմին	Աստրախանի	թ. 239.
Նախագահողի կոնսիստ. երեւանայ		թ. 217.

Ժ.Ա.Մ.Ա.Ն.Ա.ԿԱ.Ի.ՈՐ ԿԱ.Ն.ՈՆ.Ն.ԵՐ

Վանական կալուածների կառավարութեան համար

1. 1905 թ. օգոստ. 1-ի Ժամանակաւոր Կանոնների (Մասն III. յօդ. 2) տրամադրութեան համաձայն վանական կալուածների կառավարութեան համար կազմուում են թեմական խորհուրդներ առաջնորդի նախագահութեամբ չորս անդամներից և երկու անձնափոխանորդից բաղկացած:

2. Թեմական խորհրդի անդամները ընտրուում են և հաստատուում են թեմական գալուցների հոգաբարձութեան համար սահմանուած կարգով (Ժ. Կ. Մ. II. յօդ. 2, 3):

3. Խորհուրդը իւրաքանչիւր տարի կազմում է կալուածների եւ և մտի նախահաշիւ և առաջարկում է Սինոդին:

4. Թեմական խորհրդի գործունէութիւնն ու հաշիւները քննելու համար ընտրուում է վերստուգիչ յանձնաժողով:

5. Թեմական խորհուրդները իւրաքանչիւրն իւր թեմի համար ըստ կայքերի և տեղական պայմանների ուրոյնութեան հրահանգներ է սահմանում վանքապատկան կայքերի կառավարութեան համար և նեկայացնում ի հաստատութիւն Վեհափառ Հայրապետի:

6. Թեմական խորհրդի տարեկան հաշիւները և վերստուգիչ յանձնաժողովի զեկուցումն քննուում և ստուգուում են թեմական պատգամաւորական Ժողովում և առաջնորդի միջոցաւ նեկայացուում են Սինոդին:

7. Վանքապատկան կալուածների կառավարութեան վերաբերեալ ընդհանուր հարցերը քննելու և կարգադրելու համար Վեհափառ Կաթողիկոսը պարբերաբար Ս. Էջմիածնում թեմական խորհուրդների, Սինոդի և Մայր Աթոռի միաբանութեան նեկայացուցիչներից խորհրդակցութիւն է հրաւիրում: